

CONVENIO DE COLABORACIÓN ENTRE O SERVIZO GALEGO DE SAÚDE, A AXENCIA GALEGA PARA A XESTIÓN DO COÑECEMENTO EN SAÚDE (ACIS) E A FUNDACIÓN INSTITUTO DE INVESTIGACIÓN SANITARIA DE SANTIAGO DE COMPOSTELA, PARA A XESTIÓN DO PROXECTO DE INVESTIGACIÓN “Diagnosis and Management of Febrile Illness using RNA Personalised Molecular Signature Diagnosis” (DIAMONDS)

MEMORIA XUSTIFICATIVA

O xerente do Servizo Galego de Saúde, **DECLARA:**

Que o Servizo Galego de Saúde, a Axencia Galega para a Xestión do Coñecemento en Saúde (ACIS) formalizaron o 28.05.2020 o convenio arriba referido coa presidenta do Padroado da Fundación Instituto de Investigación Sanitaria de Santiago de Compostela (FIDIS), por un período de vixencia de 5 anos a contar dende a súa data de sinatura.

Que o instrumento convencional ten por obxecto a colaboración entre as partes, concretando todas as actuacións, medios e recursos necesarios para o correcto desenvolvemento do proxecto DIAMONDS, cuxas condicións se detallan no documento anexo ao convenio.

As actuacións comprendidas neste Convenio son as seguintes:

1. Incorporación de investigadores. Dotar con fondos do proxecto DIAMONDS a cobertura desde o Complexo Hospitalario Universitario de Santiago de un máximo de tres (3) especialistas en Pediatría para a realización de labores de investigación relacionadas co Proxecto DIAMONDS. O desenvolvemento e execución do proxecto, tendo en conta a súa natureza e contido, esixe que os citados especialistas poidan desenvolver actividades tamén mediante a súa presenza física en gardas na Área de Pediatría. A dotación dos postos responderá a modalidade contractual de acordo coa normativa que lle resulte de aplicación.

A FIDIS achegará para tal fin a cantidade de 40.000 euros anuais por cada un dos/as especialistas contratados.

2. Intensificación de investigadores. No caso de ser necesario, a cobertura financeira do proxecto abranguerá os fondos precisos para asegurar a debida cobertura das necesidades de recursos humanos para atender e manter os axeitados niveis asistenciais no centro hospitalario de referencia, de xeito que os investigadores implicados no proxecto poidan desenvolver adecuadamente as tarefas que a execución do proxecto esixe. Para tal fin, a FIDIS achegará un importe de 30.000 euros para o persoal facultativo e de 15.000 euros para o persoal de enfermeira por cada investigador ou investigadora que teña dedicación intensiva, que corresponde a unha liberación do 50% do seu tempo asistencial.

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar fundaméntase, entre outros, en que:

A Axencia de Coñecemento en Saúde (ACIS) é unha axencia publica creada por Decreto 112/2015 do 31 de xullo, e ten competencias na coordinación e planificación da investigación, na formación, avaliación de tecnoloxías e innovación sanitaria.

As Partes están interesadas en favorecer o desenvolvemento de proxectos de investigación financiados pola Comisión Europea para o que desenvolveron accións de promoción comúns.

As Partes participan no proxecto colaborativo “Diagnosis and Management of Febrile Illness using RNA Personalised Molecular Signature Diagnosis” (DIAMONDS) como parte do Horizonte 2020 - Programa Marco de Investigación e Innovación da Unión Europea para o período 2014-2020, do que é investigador principal o Dr. Federico Martinón Torres. O proxecto pretende abordar o desafío de levar a medicina personalizada a un uso rutineiro nos sistemas sanitarios da UE, para o diagnóstico e tratamento de enfermidades infecciosas e inflamatorias comúns. (Anexo 1).

Para poder desenvolver correctamente o proxecto é necesario que parte das accións do proxecto se desenvolvan en contacto directo con pacientes pediátricos a través das consultas e dos servizos de urxencias. O persoal que se empregue para o proxecto terá que ter ademais dun perfil investigador as competencias asistenciais para atender pacientes, informar sobre o proxecto e promover a participación no mesmo do maior número posible de pacientes. Por tanto é necesario que o persoal investigador que se empregue para o proxecto DIAMONDS poida realizar gardas de urxencia.

Os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago,

